

بسم الله الرحمن الرحيم

تفسير 6

الدكتور : حازم شومان

تفسير سورة المطففين الدرس الثاني

٣/ الشرح التفصيلي لسورة المطففين :

### وَيْلٌ لِّلْمُطَفِّينَ (1)

دى داخله تخض اى نفس !! النفس دى محل الرغبه وسوره المطففين بتكلم ناس هتموت ع الفلوس سوره بتتعامل مع مشكله عميقه تاصل حبها فى النفس وهى حب المال سواء حلال او حرام !! عشان كده كلمه [?] وويل

دى اعلان حرب طب ايه المبدع فى اول ايه [?] كلمتين [?] كلمه وويل وكلمه المطففين

كلمه وويل المبدع فيها انها اعلان حرب من الله زى ما ربنا كلم الهمزه اللمزه وقال [?] **وَيْلٌ لِّكُلِّ هُمَزَةٍ لُّمَزَةٍ (1)** وزى ما ربنا كلم بتوع الربا فى سوره البقره وقال [?] **الَّذِينَ يَأْكُلُونَ الرِّبَا لَا يَقُومُونَ إِلَّا كَمَا يَقُومُ الَّذِي يَتَخَبَّطُهُ الشَّيْطَانُ مِنَ الْمَسِّ ۗ**

هوا ده تعامل القراءان مع معاصى النفس لانها معانى مترسخه ف القراءان ! فتلاقى دايمًا معاها كلمه [?] وويل [?] يعنى اعلان الحرب من الله

كلمه المطففين [?] المبدع فيها ان الكلمه دى جايه من الشبي الطفيف يعنى اذا كان اللى بيسرق وبيخدع الناس فى الشبي الطفيف ده ربنا هيحاربه ! او مال اللى ببيخدع الناس فى الشبي العظيم او مال اللى بيسرق اموال الدول وبيحطم احلام الشباب فى المستقبل؟! اذا كان ده التعامل مع الشبي الطفيف او مال التعامل مع الشبي العظيم هيكون ازاي [?] يلقى ده فيه تفريع للنفس من التعدى على اى شبي حرام فى حقوق او اموال الاخرين

### الَّذِينَ إِذَا أَكْتَالُوا عَلَى النَّاسِ يَسْتَوْفُونَ (2)

كلمه الناس هنا فيها إيقاظ للعوام على حقوقهم وإيقاظ لهم على الظلم الاجتماعي الواقع عليهم !! يبقى هنا يا جماعه ندخل فى مصطلح [?] الاسلام والايجابيه

كلمه وانا مالى !! انا مالى لو الكبار بياكلوا اموال الصغيرين لو اتكلنا الدنيا هتولع علينا !! يا رسول الله احنا لسه جايبين من مكه والدنيا كانت والعه علينا بسبب الجهر بكلمه الحق فى وجه الظالمين !! يا رسول الله كفايه ان احنا نشيل قضايا الدين هنشيل قضايا الدنيا كمان ليه [?] نكلم الناس فى الصلاه والصوم بس كفايه لسه كمان هنفوق الناس على حقوقها الاقتصادية وعلى حقوقها الاجتماعيه وبناء دولها !! يا رسول الله احنا مش ناقصين اصطدام مع الكبار واصطدام مع الرؤوس الاقتصادية اللى كاتمه على انفس الشعب !! يا رسول الله ما كل دول العالم كده جزء ديابه وجزء غلابه والديابه واكلىن وماصين دم الغلابه ولو روحنا المدينه وقلنا كلمه الحق والمبادئ دى طلعت وقلنا ان فيه رؤوس اموال محتكره ومسيطره الناس الفقرا يا رسول الله هنفزعهم وهنرجع تانى نتبهدل زى ما اتبهدلنا فى مكه !! لااا

المبادئ ! الاسلام والايجابيه الاسلام لازم يفهم الناس الظلم اللى وقع عليهم بسبب البعد عن دين الله !! هوا ده الفرق بينا وبين چيفارا والشيو عيبين والاشتراكيين !! اللى بيقولوا ان فيه ظلم بس عشان الدنيا انما احنا مش قضيتنا اننا بنتكلم فى الظلم مش عشان الدنيا بس لا احنا بنتكلم ان سبب الظلم هوا البعد عن شرع الله وان الحل هوا الدين ! الحل هوا الاسلام والعوده الى شريعه الله سبحانه وتعالى

كلمه ۱۰ على هنا فيها معنى التحايل يعنى جايين على الغلابه وبيمصوا دم الغلابه زى ما قتلتم كده الاسلام و حرب الظلم الاجتماعى يعنى كأن على دى بتفيد ان فيه ناس محتكرين ومسيطرين وظلمه وقاهرين وفيه ناس مش فاهمه حقوقها اصلا!! الاسلام له مبادئ ولن نتنازل عن مبادئنا لحظه ف المؤمن يكيل بمكيال واحد ومش معقول هنبقى احنا مطغفين!! هنجى عشان هما اغنياء نسكت على مشاكلهم؟! هنجى عشان هما حكام نسكت على مشاكلهم؟! احنا هوا احنا مع الفقير ومع الغنى مع الوزير ومع الغفير احنا هوا احنا فى الاستضعاف والتمكين احنا هوا احنا متمسكين بمبادئنا واثقين فى طريقنا مؤمنين ببيئه الايمان مؤمنين بقول كلمه الحق فى وجه الظالم مؤمنين بالتربيه مؤمنين بالدعوه والنزول للناس مؤمنين بالحياه الاجتماعيه .

إكتالوا على الناس يعنى ايه؟! يعنى اذا اشتروا من الناس اخذوا حقهم كاملا وأذا كالوهم او وزنوهم لما ييجوا يبيعوا لهم بقى يخسرون المفسرين يقولوا انهم محتكرين للثروه ولراس المال يعنى بيحتقروا الناس فيباكلوا حقهم والناس طبعاً هى اللى بتعمل ف نفسها كده لانهم ما لهومش وزن عند الظالمين بسبب خنوعهم وسكوتهم فأصبح لا وزن لهم

يعنى كأن سوره المطففين بتوعظ الناس او عوا تسيبوا حد يتحكم فيكم او يغشكم او يظلمكم ويأكل اقواتكم !! كأن سوره المطففين فيها اصطدام بالمحتكرين المسيطرين الجشعين بلا خوف وكان م البدايه فيه تصوير مبهر للشريعه الاسلاميه وانها شريعه قويه لا تهتز امام اى احد فى كلمه الحق !! هى الشريعه الاسلاميه كده . طيب نقف وقفه صغيره مع مواصفات الشريعه الاسلاميه اللى بناخدها من اول سوره المطففين. خدوا بالكم ان سوره المطففين بالنسبه لاهل المدينه زى بالظبط سوره اقرأ بالنسبه لاهل مكه قبل الهجره ؛ سوره المطففين بالنسبه لاهل المدينه دى اول قرءان نزل عشانهم هما زى ما سوره اقرأ اول قرءان نزل لاهل مكه تخيلوا بقى المهاجرين تلقوا اقرأ دى ازاي؟! كذلك الانصار تلقوا المطففين كده !! ف سوره بنتهم ۱۰ الجزء الاول منها بناهم فى تعظيم الشريعه وشموليتها وعظمتها ورحمتها واد ايه الشريعه بتتكلم فى كل حاجه !! والجزء الثانى اللى بيتكلم عن الجنه والنار خلاهم ارتبطوا بالآخره وهم الدين وهم الآخره فبناهم وخلقى عندهم طموح رهيب للجنه ؛ لعين تسنيم ؛ بناهم على الخوف من سجين !! الجزء الثالث بناهم على حمل هم الدين الرهيب واد ايه احتملوا بناء على هم الدين ( إِنَّ الَّذِينَ أُجْرِمُوا كَانُوا مِنَ الَّذِينَ آمَنُوا يَضْحَكُونَ (29) وَإِذَا مَرُّوا بِهِمْ يَتَغَامِرُونَ (30) وَإِذَا انْقَلَبُوا إِلَىٰ أَهْلِهِمْ انْقَلَبُوا فَكِهِينَ (31) وَإِذَا رَأَوْهُمُ قَالُوا إِنَّ هَؤُلَاءِ لَضَالُّونَ (32) بيقى السوره مدرسه تربويه لوحدها!!!!

۱۰ الثالث الاول ۱۰ ببرى على عظمه الدين وشموليه الشريعه وقوه شخصيه حمله الرساله وحمله الشريعه امام الظالمين

۱۰ الثالث الثانى ۱۰ ببرى على هم الآخره ( الجنه والنار)

۱۰ الثالث الاخير ۱۰ ببرى على حمل هم الدين وتحمل الاذى من اجل الدعوه الى الله . ف السوره دى مدرسه اصلا

۱۰ مواصفات الشريعه الاسلاميه ۱۰

۱ / الشريعه الاسلاميه شريعه شموليه !! ليه؟! بتتكلم فى الدين والدنيا مش بتتكلم فى الصلاه والصوم والجنه والنار بس لكن دى بتتكلم فى الاقتصاد كمان

۲ / الشريعه الاسلاميه شريعه عظيمه ! ليه؟! لانها مش بس بتتكلم فى العبادات لأ دى بتتكلم كمان فى الاخلاق والمعاملات

۳ / الشريعه الاسلاميه شريعه رحيمه! ليه؟! لأنها مش بتتكلم فى حق الله بس مش بتتكلم فى ازاي نعبده بس !! دى بتتكلم فى مصلحة الناس بتتخذ الناس من الظلم والاستعباد اللى واقع عليهم ؛ الشريعه الاسلاميه بتقولك ان مصلحتك مع ربنا ربنا بس هوا اللى هيحافظك على مصلحتك مش باسم القانون لا دا باسم الله !!

٤/ الشريعة الاسلاميه شريعه قويه ! ليه؟! يعنى الدعاه مش بيستكتوا على الظالمين ولا على الظلم اللى بيقع فى المجتمع ولا على برامج التوك شو وشيوخ السلطه وبيستكتوا على التميع فى الدين لااا مقابل انه يتساب لهم درس ف مسجد او هنسيبكم تتكلموا فى المساجد بس انتم ما لكوش دعوه بالواقع والحرب على الدين فى الواقع لا لا الدعاه لا يقايسوا ابداءا !!

يعنى إختاروا إما الدعوه او الواقع !! لا احنا هنشيل الدعوه ف الواقع مهما كان الثمن

٥/ الشريعة الاسلاميه شريعه واقعيه ! يعنى ايه؟! الشريعة الاسلاميه جزئين

جزء على الحاكم يطبق الحدود وجزء على الناس !!!

يعنى حقوق زوجتى عليا دى شريعه اسلاميه وحقوق زوجك عليكى دى شريعه اسلاميه يعنى لما اقول يا حكومه طبقى الحدود انت كمان لازم تطبقى الشريعة الاسلاميه فى بيتك ومع اولادك تطبيق الشعب للالتزام والتدين وتطبيق الحاكم للشريعة هما الاتنين شريعه اسلاميه

٦/ الشريعة الاسلاميه شريعه عظيمه ! يعنى ايه؟! يعنى هى الدين الوحيد اللى لم يرفع الرايه البيضاء امام العلمانيين ! هو الدين الوحيد اللى لم يستسلم للعلمنه ! يعنى فيه حرب حدود مابين الشريعة الإسلامية وما بين العلمانية [?] الشريعة الاسلاميه الوحيده اللى لسه بتقول ان الحكم الا لله ؛ الشريعة الوحيده اللى لسه بتقول ان الاسلام دين ودوله وليس دين فقط ومفيش حاجه اسمها بيت عباده كل الدوله هى بيت عباده .

**أَلَا يَظُنُّ أُولَئِكَ أَنَّهُمْ مَبْعُوثُونَ (4)**

يارب يوم ما ابعث هتحاسبنى ع الصلاه والصوم ماشى ! إنما هتحاسبنى انا عاملت زوجتى ازاي؟! وعلى حقوق الناس؟ وعلى امانتى فى عملى وانا اؤديه !! ااه

دا فيه مرحله فى يوم القيامة اسمها [?] القنطره

عشان المحاسبه على حقوق الخلق وليس حقوق الخالق دا كلام يخلينا نرفع راسنا امام الدنيا بأسرها هذا الكلام العظيم اللى ربط ما بين قضيه المعاملات البشريه معربعض وبين قضيه البعث وقضيه يوم يقوم الناس لرب العالمين

قضيه الاخلاق القراءان حولها لقضيه جنه ونار

ألا هنا فيها همزه الاستفهام التعجبى !! حالنا عجيب ونحن لا ندرى !!

اولئك [?] دا اسلوب تشهير ! تهديد مباشر لناس معينه المجتمع كله عارفهم .؛ عارفين مين اللى محتكرين ومين اللى ماصيين دم الغلابه!! زى دلوقتي ما كل الناس عارفه واسلوب التشهير ده زى اللى موجود فى سوره الصف ف الايه

**يَا أَيُّهَا الَّذِينَ آمَنُوا لِمَ تَقُولُونَ مَا لَا تَفْعَلُونَ (2) كَبُرَ مَقْتًا عِنْدَ اللَّهِ أَنْ تَقُولُوا مَا لَا تَفْعَلُونَ (3)** سورة الصف

الايات دى معروف انها نازله فى عبد الله بن السلام ومجموعة الصحابه اللى كانوا معاه

بدايه سوره الممتحنه نازله فى حاطب ابن ابى بلتعه

سوره المجادله نازله فى اوس بن الصامت لما ظلم زوجته وظاهر منها

اخر سوره الحشر بنتكلم عن برصيصة

سوره التغابن نازله فى اللى اتأخروا عن الهجره من مكه للمدينه ودول كانوا معروفين

سوره الجمعه نازله فى ناس محدده سابت النبى صلى الله عليه وسلم وجروا ورا القافله اللى جت !!

ف اسلوب التشهير ده غرضه الردع العام [?] ان فيه خطوط حمراء اللى هيقرّب منها هيتشهر بيه امام الصف كله عشان ما حدش يتجرأ انه يقرب من الخطوط الحمراء دي !! وغياب الاسلوب ده فى الواقع الاسلامى ميع الالتزام !! يعنى ايه؟! يعنى الاخ اللى مش مرتبط ببيئه ايمان ساكتين له ليه؟! الاخ او الاخت اللى مش مرتبط ببيئه ايمان دي مصيبه!! هيوصل لربنا ازاي؟! هتوصل لربنا لوحدك ازاي؟؟ الاخت المتهاونه فى نقابها ساكتين لها ليه؟! الاخ اللى مش مرتبط بطلب العلم! الدايعه اللى مش مرتبط بشيوخ او بعلماء! لازم نظل تحت شيوخنا مهما كبرنا ومهما اتشهرنا ومهما اشتغلنا ومهما بقى عندنا بيئات ايمان او مساجد!! الاخ اللى مش مرتبط بشيوخه لازم يشهر بيه ف الصف كله!! لما ما شهرناش بالناس اللى ميعت الالتزام وكسرت الخطوط الحمراء بقى كلمه ملتزم دي معناها دقن ونقاب!! بقينا مش عارفين معنى كلمه ملتزم!! يعنى كلمه ملازم دي معناها ايه؟! لانه بيلازم قسم الشرطه وقاعد فيه ليل نهار عشان يحمى الشعب م البلطجيه و... و...

انت بقى ملتزمه بأيه؟! والاخ اللى اخذ رتبه ملازم او ملتزم ده ملازم لايه?!

ليوم عظيم[?] دا حاجه من اتنين

يا إما اليوم نفسه قدره عظيم زى يوم عرفه ويوم عاشوراء مثلا

أو هيجصل حاجه عظيمه في اليوم ده

طب يوم القيامة يوم عظيم ليه؟! ايه الحدث العظيم اللى هيجصل فيه؟! يوم يقوم الناس لرب العالمين

كأن يوم القيامة الخمسين الف سنه دول الناس واقفه (يوم يقوم الناس)

**ما هي انواع القيام يوم القيامة?!**

١/ قيام البعث [?] **ثُمَّ نُفِّخُ فِيهِ أُخْرَى فَإِذَا هُمْ قِيَامٌ يَنْظُرُونَ (68)**

الناس هتقوم تشوف منظر الانقلاب الكونى الرهيب فى البعث

٢/ قيام انتظار الحساب [?] الاخبار الوارده ان الناس بتقف اربعين عاما لا تتطير الصحف ولا يسألوا ولا يحاسبوا!! هما اللى بيحاسبوا نفسهم قبل ربنا ماريحاسبوهم او الملايكة تسألهم!!

٣/ قيام الحشر [?] الحشر والعرق الرهيب فى ارض المحشر والشمس على بعد ميل وعرق الخجل من العرض على الله!! الناس كلها مرعوبه هقول لربنا ايه فى العرض عليه سبحانه وتعالى

٤/ قيام العرض على الله [?] ينظر عن يمينه فلا يرى الا النار ينظر عن شماله فلا يرى الا النار وحديث النبى صلى الله عليه وسلم [?]

لا تزولُ قدما عبدٍ يومَ القيامةِ حتَّى يُسألَ عن أربعٍ : عن عُمره فيما أفناه ؟ وعن عِلْمه ما عمل به ؟ وعن ماله من أين اكتسبه وفيما أنفقه ؟ وعن جسمه فيما أبلاه ؟

صحيح

يبقى يوم القيامة فيه كذا نوع من انواع القيام كما ذكرنا

لرب العالمين [?] هنا خص القيام لرب العالمين فى إشاره إلى العرض على الله! طب ليه واحنا لسه فى اول سوره مدنيه؟ ودا كان اول تعريف للشريعه الاسلاميه ل



كلمه [?] كتاب [?] معناها ان كل شئ مكتوب عشان كده بنلاقيها بعد كده كتاب مرقوم والرقم هوا الحفر فى الحجاره زى اصحاب الكهف والرقم لما كانوا بيحفروا العقيدته بتاعتهم يعنى هنا فى السوره زكر الكتاب دلالة ع انكل حاجه مكتوبه فاكيرين فى سوره الانفطار ( **وَإِنَّ عَلَيْكُمْ لَحَافِظِينَ (10) كِرَامًا كَاتِبِينَ (11)** ) يعنى كل حاجه مكتوبه وبعد كده فى سوره الشقاق ( **فَأَمَّا مَنْ أُوْتِيَ كِتَابَهُ بِيَمِينِهِ** ) يعنى كل حاجه مكتوبه !! لو فاكيرين فى سوره التكوير ايضا ( **وَإِذَا الصُّحُفُ نُشِرَتْ** ) يعنى الصحف مكتوبه وكأن الموجه الثانيه او المرحله الثانيه من الجزء الثلاثين بيركز فى مرحله بدايه الهدايه ع ان كل حاجه مكتوبه وده اللي لازم نتربى عليه فى بدايه الطريق الى الله لازم نفهم ان الصحف مكتوبه وكل حاجه مكتوبه بل مرقومه وان الصحف هتتطاير !! يبقى نكلمهم ان الاعمال الصالحه دي هتكتب وهتروح فىن بقى؟! فى عليين وان الاعمال الطالحه والسيئات والمعاصى هتكتب فى سجين !! يبقى لازم تكون عارف انت كتابك هيروح فىن!?

الكلمه اللي بعد كده [?] الفجار [?] تفجر الماء معناه اندفاع الماء اندفاع رهيب يعنى من شويه ربنا كان بيقول المطففين والتطفيف ده حاجه بسيطه يعنى ربنا لم يقل من الاول انهم فجار !! طب ليه الاسم اتغير وبقوا فجار وتنفجر فيهم المعاصى!?

المطففين ده لفظ عبر عن جريمتهم فى حق الخلق اما الفجار ده لفظ عبر عن جريمتهم فى حق الخالق سبحانه وتعالى!؛ فيه تطور رهيب حدث هنا للمعصيه ازاي اتقلبت لفجور رهيب!؟ لان سبحان الله المعاصى لا تتوقف عند حد!! ربنا قال انها ف الاول كانت معاصى جوارح طفيفه ثم اصبحت معاصى جوارح متفجره ثم بعد ذلك ران على القلب الصدا الذى يعلو المرآه!! الموضوع لم يعد معاصى فقط بالجوارح لكن القلب اسود من الداخل ثم بعد ذلك التطور الخطير [?]

**إِذَا تَنَلَّى عَلَيْهِ آيَاتُنَا قَالَ أَسَاطِيرُ الْأَوَّلِينَ (13)** يعنى ده كلام خرافات وكلام اساطير من القرون الوسطى يعنى اصبحوا خلاص كفار!! شوفوا التطور والرعب الللى بدأ بمعاصى طفيفه ثم انتهى بكفر بعدما تحولت معاصى الجوارح لمعاصى قلوب سودت القلب من جواه ثم اساطير الاولين والكفر الصريح!! وهو ده التطور الطبيعى للمعصيه ان المعصيه زى الزحليقه الللى هيركب من اولها هيجيب اخرها!! وكأن سوره المطففين بتقول لاهل المدينه خلوا بالكم المعصيه هتوصلكم للكفر فلا تستهينوا بالمعاصى فكان لابد من ترسيخ هذه المعانى فى بدايه الهدايه للملتزم والملتزمه الجدد؛

لفظ الفجار [?] اعطى للذنب قدره!! ازاي؟؟ يعنى مثلا قاضى بيحكم على واحد ذبح واحده بعدما اغتصبها بحكم شهرين فمن المجرم فيهم!؟ مؤكدا انه القاضى! ليه لانه لم يقدر الجريمه قدرها! نفس الشئ بيحصل فى الشوارع والنوادى من التبرج والفجور ولبس البنات الان والمواقع الاباحيه ده اسمه فجور وليس معصيه

الكلمه الثالثه التى سنقف معها هى [?] سجين [?] دى صيغه مبالغه زى كلمه سكير يعنى كلمه سجين معناها [?] أشد السجن يعنى سجن ليس منه خروج او مهرب يعنى خلود فى جهنم والعياذ بالله يبقى صحف الظلمه والعياذ بالله بتروح سجين

يبقى سجين دى يا إما [?] سجون فى قاع جهنم

او [?] مكان فى الارض السفلى يوضع فيه اعمال الفجار

طب ايه الفوائد الللى نخرج بيه من كلمه سجين!؟

١/ ان أعمال الفجار حقيره عشان كده ليس لها الا مكان من ٣ يا اما جهنم او الارض الحقيره الدينئه التى تسع المعصيه او سجين التى تسع كتب العصاه

٢/ ان هؤلاء الناس سوف يسجنوا مع اعمالهم فى القبر بياتى العمل السيئ لصاحبه على هيئة رجل قبيح ويقول له انا عمك واحنا هنفضل محبوسين مع بعض ليوم الدين فى القبر والعياذ بالله

٣/ إنه جزء من جنس العمل زى ما سجنوا فى شهواتهم فى الدنيا هيسجنوا فى قاع جهنم والعياذ بالله

وَمَا أَدْرَاكَ مَا سَجَّيْنُ (8) كل كلمه وما ادراك فى القراءان [2] معناها انه مفيش اى مصدر على وجه الارض ممكن يفهمك

الكلمه دى معناها ايه؟! يعنى سجين ده شيبى رهيب!! لدرجه انه لا يستطيع انسان ان يتخيله اصلا

كِتَابٌ مَّرْفُومٌ (9). قلنا الرقم هو الحفر ع الحجاره ! ان اعمالكم لا يزيلها شيبى الا التوبه ( الذنب لا ينسى ! )

وَيْلٌ لِّلْمُكذِبِينَ (10). يومئذ دى اللى هى يوم يقوم الناس لرب العالمين يبقى اول السوره كان ويل للمطففين ودلوقتي

ويل للمكذبين تكرار ويل زى تكرار كلا فى السوره [2] سوره فيها شحنة الوعظ رهيبه ! ليه؟! لانه انت بتكلم الان قلوب مقبله فأوعوا تفتكروا العكس!! افهموا انه اذا اقبلت القلوب فلا بد من زياده شحنة الوعظ مفيش حاجه اسمها انا ما عدتش محتاج لشحنة الوعظ دى لا دا انت محتاج دائما تعالى شحنة الوعظ اكثر

يومئذ يعنى طول الخمسين الف سنه والعياذ بالله سيذوقوا الويلات المتتاليه والله اعلم بمراده

وَمَا يُكَذِّبُ بِهِ إِلَّا كُلُّ مُعْتَدٍ أَثِيمٍ (12) الايه دى اولها غير اخرها [2] اولها يكذب واخرها كل معتد اثيم واثيم يعنى من

المعصيه!! طب ايه علاقه الكفر والتكذيب بالمعصيه؟! لما جمعوا فى ايه واحده؟! ما بين اول الايه واخرها كثير اوى مراحل مفيش حد بينتكس او ايمانه بيضيع بين يوم وليله مفيش حد حماسه الدعوى بيروح بين يوم وليله مفيش حد بيقتل فى طلب العلم بين يوم وليله انما ما بين اول الايه واخرها مسافه طويله!! ولكن ربنا جاب لنا اول لقطه واخر لقطه عشان نعرف العاقبه الوحيمه لاثر الذنوب والمعاصي عشان نعرف خطوره الذنوب والكلمه الخطيره هنا كلمه [2] كل يعنى مفيش واحد ولا واحده هيهدمن المعاصي ويقع فى المعاصي ومش هيحصل له مشاكل المعاصي يعنى ذنوب زمان لازم تتفرط والفيلم اللى بيتريق على رواسب الجاهليه فى قلوب الملتزمين اللى التزم وبقى شيخ ولسه جواه رواسب الجاهليه القديمه!! انت جواك رواسب داخله قديمه اللى هى ذنوب ما قبل الالتزام مآثره عليك لحد دلوقتي فى ضعف العباده ومآثره فى شهوات زمان اللى اتغرست فى قلوبنا ومآثره علينا فى ضعف قيام الليل الى الان يبقى رواسب الجاهليه القديمه دى بؤر شهوات ممكن تنفجر فى اى لحظه عشان كده لازم نكويها بالوعظ عشان كده كل هنا هى اكثر كلمه مرعبه فى الايه!! كل اثيم هيتذوق عقوبه اثمه مفيش مجاملات

إِذَا تَنَالَىٰ عَلَيْهِ آيَاتُنَا قَالَ أَسَاطِيرُ الْأُولِينَ (13) يعنى كلام القرون الوسطى!! شوفوا السوره بدأت بأيه ووصلت لايه؟! اولها المطففين حاجه طفيفه وبعدين شوف وصلت لفين وكأن المعاصي دى زحليقه اللى هيركب اولها هيجيب اخرها!!

كَلَّا بَلْ رَانَ عَلَىٰ قُلُوبِهِم مَّا كَانُوا يَكْسِبُونَ (14) كانوا دى ماضى ويكسبون مضارع يعنى معناها مضارع مستمر يعنى الناس دى قعدت فترات تعصى ولا تتراجع وظلت مستمره على المعصيه والاستمرار فى المعصيه بيزرع فى القلب كوارث دون ان نشعر لان الكارثه مش الوقوع فى المعصيه الكارثه هى الاستمرار على المعصيه!! ان كل يوم يضيع عليك صلاه الظهر مثلا وانت ساكت ان كل يوم بيضيع عليكى صلاه الفجر وانت ساكت هى دى المصيبه ! المصيبه ان يبقى فيه حاجه ناقصه فى الدين وانت ساكت زى ما حبايه سبحة تنفرط وبعد كده كله بييجى وراها!! هنا فيه حاجتين مرعبين!!

الحاجه الاولى [2] كلمه ران الحاجه الثانيه [2] على قلوبهم ودى ترعب فى ان الحاجه او العقوبه بتاعه الذنب نزلت على القلب واللى بيرعب اكثر الايه اللى بعدها

كَلَّا إِنَّهُمْ عَنْ رَبِّهِمْ يَوْمَئِذٍ لَمَحْجُوبُونَ (15). ان من حجب قلبه عن الله فى الدنيا بالشهوات حجب بصره عن الله فى الاخره ربنا يحفظنا يارب يعنى مش لعبه

كلا [2] معناها انتوا مش متخيلين العقوبه شكلها ايه؟ مش متخيلين لو العقوبه نزلت من عند ربنا للطريق اللى انتوا ماشيين فيه ده شكلها ايه!!! كلا دى كلمه ايقاظ! من الله سبحانه وتعالى

دلوقتي من ايه 7 لحد ايه 17 دول يتكلموا عن عذاب النار بعد كده من ايه 18 لحد ايه 28 بيتكلموا عن نعيم الجنه يبقى احنا كده عندنا السوره فيها 11 ايه بيتكلموا عن الجنه وزيهم 11 ايه بيتكلموا عن النار 11 [2] ايه بيتكلموا عن سجين و 11

ايه بيتكلموا عن عليين وكان القرآن بيكلمنا عن التوازن فى عرض الوعظ وبيعرفنا ليه ربنا قال على القرآن مثنى ؟  
لان ربنا بيوازن ما بين عرض الترغيب و عرض التهيب فلان نبقى ناس متوازنه

❓ خرجنا من آيات العذاب بحاجتين ❓

الحاجه الاولى هى تنوع العذاب يعنى فيه عذاب روحى إِنَّهُمْ عَنْ رَبِّهِمْ يَوْمَئِذٍ لَمَّخُوبُونَ و عذاب مادى صَالُوا الْجَحِيمِ  
عذاب نفسى ثُمَّ يُقَالُ هَذَا الَّذِي كُنْتُمْ بِهِ تُكَذِّبُونَ.

❓ الحاجه الثانيه هى سلم الانهيار قلنا ان القصه انهم ما وصلوش للدرجه دى مره واحده دا الاول كان فيه معاصى طفيفه  
وبعد كده انتشرت وبعد كده انفجرت وبقوا فجار وبعد كده القلب اسود واطلم من جوه وبعد كده بقوا بيتريقوا على الدين  
وبيحاربوا الدين وبيستهزءوا بالدين !! والعياذ بالله ودا اللى احنا بنسميه ❓ فقه التحصين .

ان انا لما اعرفك ان مفيش حد بينتكس مره واحده وان الانتكاس بيحى على مدى طويل ! مفيش حد بيسيب الشجر بتاعه  
مره واحده مفيش حد بيفتر بعد نشاط فى العباده مره واحده ولا حد بيبقى داعى الى الله بين يوم وليله ده اسمه فقه التحصين  
لازم نفهم السلسله السوده بتاعه الانهيار عشان نقدر نتحصن عشان الاكتشاف المبكر للأمراض !!

آيات النعيم برود هنتكلم فيها دلوقتي عن حاجتين ❓ نعيم الزواج عَلَى الْأَرْوَاحِ وَ نعيم النظر لوجه الله (ينظرون) و نعيم  
الراحه والرفاهيه يُسْقَوْنَ مِنْ رَحِيقٍ مَّخْضُومٍ (25) و نعيم الحياه الاجتماعيه يُسْقَوْنَ مِنْ رَحِيقٍ مَّخْضُومٍ (25) و نعيم  
الرفاهيه وَمِرَاجُهُ مِنْ تَسْنِيمٍ (27) بيبقى النعيم المتنوع فى الجنه وان الجنه دى مش شويه خضرا وميه !! الجنه دى السوره  
بتكلم عنها كلام ينعش القلب عشان كده ربنا ما استناش لآخر آيات النعيم فى السوره وقال وفى ذلك فليتنافس المتنافسون  
لا دى جت فى وسط آيات النعيم وكان عشر آيات الجنه كافيه إنك تضحى بعمرك كله عشانها !! ربع آيات الجنه كافيه إنك  
تضحى بعمرك كله عشانها مش لازم تسمع كل اوصاف الجنه عشان قلبك يشناق ليها

يبقى اول حاجه ❓ تنوع النعيم فى الجنه & الحاجه الثانيه ❓ سلم الصعود بقى اللى عكس سلم الهبوط المرعب بمراحله  
الاربعه اللى اخدناها فى الآيات ال 11 بتوع الجنه والوصول لعين تسنيم و اعلى منتج سياحي فى الجنه وان الايه المرعبه  
فى السوره واهل النعيم وهما فى منتج تسنيم السياحي فى الفردوس الاعلى قاعدين يبصوا لاهل النار اللى كانوا بيعذبوهم  
فى الدنيا وهما ببصوا لقاع جهنم فى سجين وقاعدين يضحكوا منهم ويسخروا منهم ! طب ايه اللى وصلهم لفوق كده ؟؟  
التنافس فى الدين ❓ وفى ذَلِكَ فَلْيَتَنَافَسِ الْمُتَنَافِسُونَ يعنى الناس دى كل اللى اهل الدنيا تنافسوا عليه وعملوه للدنيا هما  
تنافسوا وعملوه للدين هذه المعانى الرهيبه لازم الواحد بيبقى عارف هوا بيزيد ولا ببقل مفيش حد بينط مره واحده دى  
حاجه اسمها سنه الارتقاء التدريجى مفيش حد هيطلع مره واحده لا فيه

هبوط مفاجئ ولا فيه ارتقاء مفاجئ

يبقى كده هندخل فى آيات الجنه

**كَلَّا إِنَّ كِتَابَ الْأَبْرَارِ لَفِي عِلِّيِّينَ (18)** يعنى قلنا كلا التلاته اللى فاتوا كانوا بيرعبوا القلب هنا بقى كلا المطمئنه ؛ انتوا  
عارفين يا جماعه يعنى ايه كلا هنا ؟؟ عارفين لما مثلا سيد قبيله واحد اتظلم فيها وهوا غضب عشانها وقال لايمكن ما  
ياخدش حقه مثلا ! عارفين لما واحده زوجها يزعلها ويقول انا هقلب الدنيا عشانها مثلا ؟! والله المثل الاعلى ❓ هوا ده  
غضب الله للمؤمن ! كلمه كلا دى بتلمى قلبك بالامان والفرح وكان كلا دى معناها لن اضيع تعب الزاهدين ولن اضيع  
تعب المقبلين على الله !! لن اضيع تعب المجاهدين من اجل رضى الله لن اساوى بينهم وبين باقى الخلق ويأبى الله الا ان  
يظهر إكرامه للمؤمن فى الدنيا والآخرة يعنى انت لك رب يغضب لاجلك ! عارفه لما واحده مثلا تقول لامها لو كان ليا  
اب بيغضب عشانى او بيقف عشان ابنته ما كانش زوجى عمل كده ! والله المثل الاعلى

انت لك رب يأبى ان يضيع عليك ثواب واجر الاعمال الصالحه اللى انت بتعملها لك رب يغضب ان تظلم او ان يعتدى  
عليك لدرجه مت من عادى لى وليا فقد آذنته بالحرب ربنا بيغضب لشريعته بيغضب للمؤمنين ( **فإن لم تفعلوا فآذنا** )

**بحرب من الله** & ( **إن الله يدافع عن الذين امنوا** ) عشان كده قول الله انهم يكيدون كيدا واكيد كيدا) الناس دى لو نزلت الواقع وشافت اهل الباطل ازاي بيدمروا فى الدعوه ويسجنوا عشرات الآلاف والملتزمين لا لشيى سوى التزامهم هيعرفوا ازاي اد ايه الكلمه دى بتظننا ان لينا رب مش هيسبنا ! هما بيخططوا ضدنا واحنا قاعدين غلابه ولا عارفين تخطيط ولا عارفين مكر عشان كده النبى صلى الله عليه وسلم كان بيقول لربنا اللهم انت عضدى ونصيرى بك اصول وبك اجول ! انا يارب ليس لى قبل باهل الكفر واهل الباطل لولا علمى انك سبحانك ناصرى ومعينى وانك هتغضب عشانى وتحمينى زى ما ربنا غضب ان العاصى يعصى ولا يعاقب غضب ان المؤمن لا يكرم وحفظ كرامه المطيع امام الخلق جميعا ياأبى الله الا ان يرفع اولياءه

المفسرين هنا قالوا كلا دى خطاب لمين؟! قالوا خطاب للمؤمنين وفيه ناس قالوا لا دى خطاب لاهل النار وكأن ربنا بيدلهم فى جهنم وبيقول لهم شوفوا بقى انا اعطيت للى انتوا كنتوا بتحاربوهم وتذلوهم ايه والمعنين صح وفى غايه الروعه الابرار يعنى الاطهار والابرار عكس الفجار والابرار اللى كملت اعمالهم الصالحه عشان كده ربنا بيقول عليهم ﴿ يسقون من رحيق مختوم الرحيق الخالص الصافى

الناس كلها هتموت على رحيق الدنيا وعاوزه دنيا تصفى لها والدنيا عمرها ما هتصفى لحد ولا هتبقى خالصه لحد عشان كده ده جزاء من جنس العمل ﴿ لما صفوا لله ربنا اعطاهم النعيم كله نعيم صافى ﴿ عشان كده ان الابرار لى نعيم يعنى ( فى ) هنا للدلاله على انهم مغموسين فى النعيم

"إن الابرار لى نعيم "

النعيم غير النعمه , النعمه ممكن بيقى عندك نعم ولكن فيه ابتلاءات بتكدر عليكى النعمه إنما النعيم هو كمال النعم " **كلا إن كتاب الابرار لى عليين** " عليين جمع علي وهو مبالغه فى العلو فعليون ده مكان صحف أعمال الابرار عشان كده النفسرين أختلفوا فى كلمه عليين ..

القول الاول ان ده ساعه العرض يعنى تخيلي إنت دلوقتي قاعده تسمعي درس ف التدبر فى كتاب الله وصحيفه أعمالك عند العرش ايه العلو ده!! وايه الاكرام ده

المعنى الثاني فى عليون يعنى فى إرتفاع للارتفاع وفى علو لعلو وده معنى جميل أوي ياجماعه , إنت عملتي اعمال صالحه وقمتي ليل وإشتغلتي فى الدعوه فأعمالك دي بقا تتعرض علي مقربي السماء الاولى وصابره فى المعهد القرآنى بقالك سنتين وداخله فى الثالثه طيب وبعد كده تطلع لمقربي السماء الثالثه إترقيتي تطلع لمقربي السماء السابعه إترقيتي تطلع للملا الاعلى أعمالهم من إرتفاع لارتفاع ولايزال ذكرهم فى السماء فى علو ومقامهم عند الله فى علو طيب ده بيدل علي ايه بقا ..

بيدل علي الفايده الثالثه إن مقامك عند الله فى علو مستمر إرتقاء المؤمنين فى الدين وفى مقام الايمان فى علو مستمر يعنى متخافوش وانتوا مع ربنا طول مانت مع ربنا هيرفعك هينقلك من رفعه لرفعه هينقلك من فتح لفتح من نصر لنصر إحنا مع ربنا ومع الدعوه ومع طلب العلم ومع التدبر فى القرآن ومع العباده فى علو مستمر وفى زياده مستمره زى مالنبي صلى الله عليه وسلم قال " اللهم زدنا ولا تنقصنا " يارب دايم يارب دايم زى مالمسوره الجايه ان شاء الله الانشقاق هناخذ فيها ايه ؟ لتركين طبقا عن طبق هناخذ فيها يعنى ايه باذن الله يعنى هتفضلي تترقي فى طبقه ع طول , هتفضلي تطلعي فى ارتفاع مستمر ع طول معنى مأهول طول ما احنا فى طريق الدعوه ربنا هيرفعنا اكثر ياجماعه

يعنى الدكتور عبد الرحمن الصاوي كان شاف رؤيه وقعد يكلم الشباب عن الله وقعد يطلع لفوق طول ما هو بيكم الشباب عن الله فوالحد جاله فى الرؤيه قاله رسول الله صلى الله عليه وسلم بيقولك طول مانت بتكلم الشاب عن الله هتفضل ترتفع الله اكبر .. عايزين نبقي إحنا بقا الي بيكلموا الشباب عن الله عايزين نبقي إحنا بقا فريق عمل مع بعض كلام الشباب عن الله عايزين نتحمس فى الدعوه الي الله ووصل الشباب بالله ياجماعه بيقى الثلاث معاني فى لعليين :

المعنى الاول عند العرش

المعنى الثاني فى ارتفاع بعد ارتفاع تعرض اعمالهم عند مقربي كل سماء ثم التى فوقها  
المعنى الثالث فى ارتفاع بعد ارتفاع ولايزال مقامه عند الله فى علو ولايزال إرتقاؤهم فى الدين فى علو

أهل الباطل يقولوا طول ما انتوا مستمرين علي الطريق ده هنحاربكم ونذلكم ونهين فيكم ونقضي عليكم وربنا يقول طول ما انتوا مستمرين علي الطريق ده هر فعكم واعليكم وانصركم وانقلكم من نصر لنصر ياه عشان كده احنا فرحانين اوي السوره دي بتفرحنا اوي يا جماعه فعلا من السور الي بترربي الله اكبر

**وما أدراك ما عليون ..** وما أدراك يعني لا يوجد مصدر علي سطح الارض يقدر يوصفك الكتاب ده شكله ايه ؟ وأحوال الكتاب ده ايه وإكرام الله لاهل الكتاب ده ايه ؟ يعني مافيش مصدر مافيش حد يتخيل انا هعمل للناس دي ايه ؟ مافيش حد يتخيل انا هعمل للمؤمنين ايه ؟ عشان كده كله هيندم لما يشوف الجنه ليه ؟ لان الجنه اعلي من اي تصور ومن اي فعل وما أدراك ما علييون , كلمه تفتح النفس للحياه ان مهما اشتغلت ومهما كنت بتحب الجنه ومهما كنت مشتاقه للجنه ومهما سمعتي عنها مهما قراتي ثواب الاعمال الصالحه ما انتيش متخيله الدرس الي انا بديهولكم ده وانتوا بتسمعوه دلوقتي ثوابه عند ربنا ونعيمه عند ربنا لينا بسببه ممكن تبقي ايه ؟ لو ربنا تقبل منا

**وما ادراك ما عليون كتاب مرقوم ..** يعني ايه مرقوم يعني مكتوب لايزول قولنا الرقم النقش فى الحجر يعني البر لايبلي , يعني سبحان الله كل مره غضيتي بصرك فيها كل مره قمتي الليل فيها مرقومه عند الله سبحانه وتعالى متخافيش مش هتضيع عند ربنا

**" يشهده المقربون "** يشهده دي يا جماعه بتفهمننا ان صحف الاعمال مهياش كتاب مكتوب وبس دي صوت وصوره زي انا كنا نستنسخ ماكنتم تعملون , نسخه هنتفرجي علي نفسك يوم القيامه وانت كنت قاعده بتتفرجي وتسمعي وتتفاهلي هنتفرجي علي نفسك يوم القيامه وانت بتقومي الليل وهتموتي وبتجاهدي نفسك هنتفرجي علي نفسك يوم القيامه وانت واقفه بتبكي بين ايدين ربنا وتدعيه فى ابتلاء ربنا ابتلاكي بيه وبتقوليله فرجك يارب , هنتفرجي عن نفسك يوم القيامه وانت نازله بتتكلمي عن ربنا مع البنات المتبرجات

**" يشهده المقربون "** يشهده مضارع مستمر كأن الاعمال بتعرض باستمرار علي الملايكه , يعني إحنا ممكن نكون قاعدين دلوقتي والمعهد القراني الدعوي بيتعرض علي الملايكه يارب إقبلنا يارب واقبل المعهد القرآني الدعوي يارب المقربون .. الي هما اقرب ملائكه لله فى الكون , يعني ربنا بيوري الملايكه اعمال الابرار ليه ؟ لان الملايكه فى يوم من الايام قالت اتجعل فيها من يفسد فيها , فربنا بيباهي بقا بالاعمال الصالحه بتاعتنا الملائكه شوفوا الي ضحوا عشاني وعاشوا عشاني

عشان كده ايه عليين يا جماعه : عليين هي صحيفه شرف البشريه لوحه شرف البشريه , عليين دي زي نوبل وينر كده واحد واخذ نوبل فى الدنيا الي فازو بنوبل الاخرويه بقا الي عملوا اعمال تستحق انها تتحط فى صحيفه شرف البشريه وربنا يجمع الملا الاعلي ويباهي بيه الملايكه الله اكبر ممكن ربنا يباهي بيك الملايكه فى جوله ممكن ربنا يباهي بيك الملائكه فى قيام ليل ممكن ربنا يباهي بيك الملائكه لما تنذري عمرك فى نصره دين الله , ممكن ربنا يباهي بيك الملائكه لما تربى صلاح دين جديد للامه ربنا يباهي بينا الملائكه يارب

عليين بيوضع فيها نوعين من الاعمال :

1- عظام أعمال البشريه الي جاهدوا بقا والي عملوا اعمال كبيره

2- النوع الثاني الغلابه الي زينا برده النبي عليه الصلاه والسلام اداهم فرصه (صلاه علي إثر صلاه ) تصلي المغرب وتفعدى علي سجاده الصلاه للعشاء كتاب فى عليين , يعني عليين مش بتاع الدنيا صورات بس سبحان الله ياسلام علي كرمك يارب

**(إن الابرار لفي نعيم )** فى دي تفيد حاجتين :

1- الانغماس الكامل فى النعيم .. لانهم كانوا منغمسين فى العمل الصالح

2- تفيد تلذذ وتنعم كل جارحه من جوارحك فى نفس الوقت فى الجنه .. لانهم عبدوا ربنا بكل جوارحهم

**(علي الارائك ينظرون )** علي الارائك سبحان الله معني عظيم جدا ..

1- كوشه الفرح قمه النعيم المادي الجواز والحب , ينظرون الي وجهه الله قمه النعيم الروحي , جمعت قمه النعيم المادي مع قمه النعيم الروحي

وينظرون جاءت بلفظ المضارع دلالة علي ان نعيم الجنه متجدد واللذه متجدده

زي ما قولنا فى آيات النار برده " كلا انهم عن ربهم يومئذ لمحجوبون " قمه العذاب الروحي

"الصالوا الجحيم " قمه العذاب المادي

"يقال هذا الذي كنتم به تكذبون " قمه العذاب النفسي

فجمعت كل انواع العذاب مع بعض ,,

هنا جمعت كل انواع النعيم مع بعض بس الايه عجيبيه

(تعرف في وجوههم نضره النعيم ) كلمه نضره فيها 3 معاني ..

1- الجمال .. والفرحه .. الامتلاء

يعني وش جميل اوي اوي وفرحان اوي ومليان خير ودماء العافيه والنعيم بتجري في وجوههم  
تعرف فة وجوههم لان في الدنيا كنت بتعرف ف وجوههم الخوف من النار وأثر بهدله اهل الباطل ليهم

(وفي ذلك فليتنافس المتنافسون ) وفي ذلك قدمت ليه ؟ للاختصاص

الناس بتتنافس في رحيق الدنيا الايه بتقولهم انتوا ماشيين غلط تنافسوا في رحيق الجنه والاخره  
مقارنه رحيق الجنه برحيق الدنيا ..

1- يسقون ,,الجنه بيجي بطلوع الروح في الدنيا إنما يسقون رحيق الجنه جايلك وانت مكانك وزوجك ببسقيك ولا مراتك  
بتسقيك , رحيق الدنيا كان بيجي بطلوع الروح إنما رحيق الجنه بلا تعب

2- كلمه رحيق بعد كلمه يسقون ,, رحيق دي صافي وخالص من كل شوائب زي رحيق الازهار كده , في الدنيا عمرها  
ماتصفي وتبقي فيها رحيق إنما الاخره فيها

3- مختوم .. مختوم دي عارفه كنز البيبيسي كده مينفعش يتفتح مرتين يعني نعيم الجنه كده محدش اتنعم فيه قبلك , يعني  
عارفه الجواب الي بيتحط عليه الختم والختم بيتحط علي فتحه الجواب عشان لو اتفتح يتعرف ان فيه ايد فتحته قبل كده ..  
أنا قاعد علي كرسي ورزازه الف وزير قعد first hand . مفيش حاجه في الدنيا second hand رحيق الدنيا , الدنيا كلها  
عليه قبلي , أنا فتحت عياده عشرين دكتور فتحوها قبلي , أنا راكب عربيه شويه وهبيعه ويركبها غيري يبقي الدنيا مفيش  
فيها حاجه حصريه إنما الجنه حصريه النعيم حصري بتاعك انت حصري , مختوم دي النعيم الحصري الذي لم تمسه يدك

زوجتك في الجنه قلبها ايه ؟ ليك لوحدك زوجك في الجنه كذلك اللبس الي بتلبسه , قصرك في الجنه نعيمك كل ده

حصري

4- ختامها مسك ,, الدنيا ختامها موت , ختامها سرطان , ختامها قشل كلوي . ختامها حادثه علي الطريق السريع وموت  
مفاجئ .. إنما الجنه كل النعيم فيها ختامه مسك يعني النعيم ختامه نعيم

يبقي ختامه مسك أفادت حاجتين ..

1- نهايه النعيم نعيم يعني مفيش بعد النعيم حاجه وحشه شكل الدنيا ليه ؟ لان الناس دي كان خواتيم اعمالها احلي حاجه في  
حياتها

حتي ختام عملهم في الدنيا كان احلي حاجه في حياتهم

2- مش بس الفم بيتلذذ والانف بيتلذذ الانف بتشم المسك بعد مالمسان بيتلذذ يعني كل الجوارح بتتعم لان كل الجوارح

اشتغلت في طاعه ربنا فالجزء من جنس العمل

(وفي ذلك فليتنافس المتنافسون ) كان المتوقع ايه ؟ كان متوقع بدل في دي حرف تاني ..؟؟ إلي .. والي ذلك ياجماعه لسه

مدخلناش الجنه , في تفيد الانغماس في العمل الصالح , وتفيد ايه تاني ؟ المفروض في ذلك ذلك هي ايه نعيم الجنه إحنا لسه

مدخلناش الجنه عشان الايه تبقي وفي الجنه فليتنافس, لا والي الجنه طيب ده معناه ايه ؟ زي ماربنا قال إستمع يوم ينادي

المنادي طيب يارب انا هسمع ازاي وانا لسه في الدنيا إستمع بقلبك ده اليقين ياجماعه , يبقي مش هتقدر تنطلق للجنه

وترتقي ليها وتضحى عشانها الا لو عشت بقلبك نعيم الجنه خذتوا بالكم من المعني الخطير ده !

بعد كده ذلك .. أفادت العلو ذلك دي حاجه عاليه يعني , إسم إشاره للبعيد يعني لازم أهدافك تبقي عاليه عشان مقامك عند

ربنا يبقي عالي

(فليتنافس المتنافسون ) فيها كذا معني ..

1- معني التنافس زي نهائي كاس العالم كده بيتقلوا نفسهم ليه ؟ حاجه كله هي موت علييها

2- كلمه المتنافسين عكس كلمه المطففين يعني فيه ناس ضيعت عمرها في حاجات حقيره وناس افنت عمرها في العظيم

كله هي يعيش نفس العمر ولكن الفرق مأهول بين ده وبين ده !

زي سوره الكهف اتكلمت فى البدايه قالت ( **لنبلوهم أيهم أحسن عملا** ) الناس الي عملت احسن اعمال , وأخرها إيه ؟ فلا نقيم لهم يوم القيامة وزنا الناس الي اعمالها كلها ضاعت القرآن دايمًا بيحبيب لك نمودجين ويقولك إنت عايزه تبقي من المطفين الي ضيعوا عمرهم عشان الحاجات الطيفه بتاع الدنيا ولا عايزه تبقي من المتنافسين الي ضحوا عشان الحاجات النفسيه ..

3- ان كان المتوقع إيه ؟ وفى ذلك فليتنافس المتنافسون متجيش هنا , أمال هتيجي أمتي ؟ لما آيات الجنه تخلص لسه آيات الجنه مخلصتش جت فى وسط آيات الجنه ليه ؟ كأن نصف آيات الجنه تكفي أن انت ..... كأن عشر آيات الجنه تكفي أنك انت خلاص كفايه يسقون كفايه رحيق كفايه ختامه مسك عشان تتنافسي مش لازم تسمعي مزاجه من تسنيم وعين يشرب بها المقربون سميّه ضحت بعمرها قدام ابوجهل ومكنش نزل من القرآن الاصفحات قليله بيبقى ده معني رهيب أنك لو عشتي بقلبك مع عشر آيات الجنه هتفصلي لاجل الدار الاخره

4- ان ربنا مطلبش العمل الصالح ؟ لا ان ربنا مطلبش العمل الصالح بمواصفات يعني فى الدنيا ربنا قال امشوا فى مناكبها من غير انفعال لكي لاتأسوا علي مافاتكم ولا تفرحوا بما آتاكم .. الدنيا من غير إنفعال إنما فى الاخره لازم أفعالك وعواطفك فربنا طلب منك خمس حاجات وانت بتعملي الاعمال الصالحه للإخره ..

1- السعي

2- المسارعه

3- المسابقه

4- الاستباق

5- المنافسه

يعني إيه ؟ ده معاني جباره , السعي فيه طموح الانسان مبيسعاش ويبقى نشيط الا مايكون عندك امل طموح من وراها المسارعه فيها حب الانسان بيمشي صلاتسيه لما بيبكون رايح لحاجه مش بيحبها لكن بيسارع لما يكون حاجه بيحبها بقا أصحابي عزمي ع عزومه بقا واكله بحبها ومسافر الساحل الشمالي بجري المسابقه لما يكون حاجه فيها ربح ومغنم , الي حاسس بقا وفاهم قيمه مغنم الاخره ,, الاستباق لما يكون فيه متسابقين وعيني يمين وشمال ع المتسابقين عشان ميكونش فيه حد يسبقني المنافسه فيها التعظيم المأهول للجائزه الي هو مش قادر اتخيل ان انا مش هاخذها فتخيلوا ياجماعه بقا ان الخمس حاجات دول لازم يكونوا عندنا واحنا بنسعي للدار الاخره تخيلوا بقا خمس شروط ,, بصوا كل المسلمين بيصلوا وكل المسلمين بيصوموا لكن ده صلاته هدخله الجنه الي تحت وده صلاته هدخله الفردوس الاعلي ؟ ليه ؟ لان الي فوق ف عملها بسعي ومسارعه واستباق ومنافسه ( **ومزاجه من تسنيم** ) المزاج الخلطه السريه , تسنيم .. سنم الجنه بيبقى دي اعلي حاجه فى الجنه اعلي منتج سياحي فى الجنه

عين يشرب بها .. الباء للملابسه يعني لفين حوليها وقاعدين حوليها نادي اجتماعي ياجماعه منتج سياحي مش مجرد عين مائي كده ده منتج سياحي فى الجنه عين .. نكره للتعظيم يشرب .. مضارع يفيد التجديد والاستمرار يسقون .. لانهم تعبوا فى الدنيا هيرتاحوا فى الاخره

رحيق مختوم .. رحيق كانوا ابرار صافيين لربنا خالصين ليه فخذوا الرحيق الخالص الصافي مختوم .. كان دايمًا بيختموا بالاعمال الصالحه وكان نهايه حياتهم اعمال صالحه وحسن خاتمته فخذوا ختامه مسك مزاجه من تسنيم .. مش صنف واحد بقا لان الناس دي كانت بتتفنن فى العبادات لربنا كانت بتتوع العبادات فخذت بقا كل ده فى الجنه بين ايدين ربنا سبحانه وتعالى

( **إن الذين أجمعوا كانوا من اللذين امنوا يضحكون** ) كلمه اجرمو دي يعني لازم نعرفي حقيقتهم بقا متتخذعيش فيهم , فيه ناس اتخدعوا فيهم حتي من التيار الاسلامي , فيه ناس بيتخدعوا فى اهل الباطل اهل الباطل دايمًا بيحاولوا يزوقوا الكلام ويحسنوا صورتهم وهما بيحاربوا الدعاه مبيقولوش بيحاربوا الدين يقعدوا بقا يزوقوا صورتهم - الايات دي آيات خطيره فى التحصين النفسى ضد سخرية الباطل من اهل الحق , ياجماعه 95 فى الميه من انتكاس

الشباب بل من انتكاس الاطفال بل من عدم لبس الاطفال فى ابتدائي للحجاب بسبب سخرية اصحابهم منهم يعني 95 فى الميه من عدم التزام الشباب بسبب الخوف من السخرية العقوبه خطيره , أنا بفكر احضر خطبه عن عقوبه السخرية من التدين لان فعلا المجتمع مش عارف هو بيحطم نفسه المتدينين كده ازاي يبقى دي نقطه مهمه جدا فى العلاج النفسى - كانوا من اللذين امنوا يضحكون ,..فيه تقديم هنا من اللذين امنو تقديم من اللذين امنوا كأن بالتعبير العام كده ان ملتزمين بقوا اللبانه بتاعتهم كأن مفيش مصدر ضحك غير اللذين امنوا

فيلم الخليه ..فيلم الشيخ جاكسون هو ايه ياعم هو ياعم مفيش غيرنا التوك شو ماسكنا ياعم ايه ياعم يعني لو المتدينين ماتوا الصبح مصر هتصلح ايه ياعم فيه ايه ياعم الظلم والضلال الي انتوا فيه ده !!

الايات دي مدنیه يا جماعه ..مدنيه ليه رغم ان المفروض ايات السخرية كانت ف مکه

1- تربيته نفسه ع تحمل السخرية لان المدينه لسه فيها مناقين السخرية مش هتخلص معنا متتاثيرش متتهزوش سخريتهم منكم دا تمرين مشهور سنه من سنن ربنا فى الصراع بين الحق والباطل

2- ان ده تخليد لقيمه المهاجرين قدام الانصار عشان الانصار مينفسنوش من مقامات المهاجرين انهم يسمعوا كلامهم

ويتربوا ع ايديهم انهم يتكسروا للمهاجرين

3- تربيته ع هم الدين لان الايات دي بتقول للانصار والمسلمين فى المدينه المنوره المهاجرين استحملوا قد ايه ؟ عشان الدين يقوم

ياخوانا فيه كثير من الاخوه والاخوات الان كفروا بمعني التضحيه انا عايز الدين يقوم بس من غير ما جى ع الخطوط الحمرا فى حياتي فيه ملتزمين دلوقتي مش عايزين يضحوا ازاي ؟ امال عايزه الفردوس الاعلى بايه ؟

.....

يعني ربنا بيقول للانصار انتوا مشفتوش الي حصل فى مکه ولكن اعرفوه لان لسه هيقابلكم فى المدينه السخرية لن تنتهي إنتوا لسه مشفتوش الي هيحصل لكم

دلوقتي كل الافلام علينا مسلسلات رمضان علينا التوك شو علينا ايه ياعم احنا عملنا ايه ؟ حسبنا الله ونعم الوكيل فيهم

**(واذا مروا بهم يتغامزون )** غمز معنوي طبعاً مش بالايدين يوجع الجنب بيوجع النفسيه مش بيوجع الجنب

يعني رقم واحد يضحكون ورقم اتنين يتغامزون ثلاثه فاكهين اربعة إذا راؤهم قالوا ان هؤلاء لضالون دول مش فاهمين دين دول اصحاب اغراض دنويه مش بتوع دين اصلا سيل من الاتهامات سيل من السخرية سيل من الحرب الاعلاميه ايه ؟ مكنش وراهم غير تشويه صورته المؤمنين هو الصحابه يا جماعه للدرجادي كانوا شخصيات مستفزه وشخصيات مثيره للسخرية ؟ لا هما مصممين يشوهوا الصوره هو ده بقا معني الصمود ومعني مكملين

**(كانوا يضحكون )** يعني ماضي مستمر هو ده الصمود يعني وسط الحرب النفسيه دي احنا مكملين مش هنبطل دعوه

ومش هنبطل نقاب ومش هنبطل دعوه الي الله ونزول ف الشوارع اتريقوا زي ما انتوا عايزين تتريقوا رغم الحريقه الي انتوا عاملينها حوالينا النبي مبطلش دعوه واحنا مش هنبطل والنبي مبطلش تربيته ف دار الارقم واحنا مش هنبطل مكملين يبقى ثمار الصمود هنا ايه رغم السخرية ؟

1- خرج نماذج عظيمه من الصحابه زي حرام بن ملحان الي اطعن وقال فزت ورب الكعبه

مثل حبيب بن زيد الي مسيلمه قطعه وهو قاله لاسمع صمود النبي لما صمد الصحابه صمدوا

2- 13 سنه فى مکه استحملنا ايذاء وبعد كده المسلمين 13 قرن بيستمعوا فى الايذاء يعني الرسول والصحابه استحملوا 13 سنه واحنا استمتعنا بالدوله الاسلاميه بعدهم 13 قرن يعني صمود الدعاه والمتدينين بيدي مستقبل للدعوه للاف السنين

(كانوا يضحكون ) كانوا الزمن اتغير وف الاخر فاليوم اللذين امنوا من الكفار يضحكون .. أروع حاجه فى خاتمه سوره المطففين ان الخاتمه الزمن اتغير ويوم القيامه جه والي دخل الجنه دخل والي دخل النار دخل وزمن الحوار بقينا بنتكلم من جوه الجنه دلوقتي نتيجته مبهره فعلا , فجأه الزمن اختلف وكل حاجه خلصت .. ماأسرع ماستمر الدنيا

السوره الي بعدها الانشقاق ياايها الانسان انك كادح الي ربك كدحا فملاقه فاا ,,فورا الدنيا هتخلص اسرع مما تتخلوا كانوا اخر مشهد فى السوره واهل الجنه بيتفرجوا ع اهل النار أهل الجنه قاعدين فى منتجع تسنيم السياحي اعلى منتجع سياحي فى الجنه واهل النار فى سجن سجين فى قاع جهنم وبث مباشر فى مشهد تفاعلي ما بين سكان منتجع تسنيم السياحي وما بين سكان سجون سجين فى جهنم

**(فاليوم الذين امنوا من الكفار يضحكون )** ماضي مستمر .. يضحكون بتاع ايه 29 ماضي مستمر يضحكون بتاع المسلمين مضارع مستمر , يضحكون بتاع الكفار كانت مستمره فى الدنيا الفانيه يضحكون بتاع المسلمين يضحكون فى الاخره الخالده

آخر مشهد اهل الجنه بيتفرجوا ع اهل النار ياتري مشاعرهم ايه ياتري خواطرهم ايه ؟ وذكرياتهم ايه ؟ الي كانوا ييمنعوه من الحملات الشبابيه الي كانوا ييمنعولهم دروس وبيقفلوا ليهم المساجد الي كانوا ييمنعوه من الدعوه الي الله الي كانوا ييحاربوهم فى كل باب من ابواب الدعوه  
كانوا كلمه بتفجر المشاعر فى القلب لما بتسمعها انا بحس ان سوره المطففين بتزرع مشاعر رهيبه فى قلوب الانصار انا بحس ان سوره المطففين مدرسه فى التربيه والله  
مدرسه ع هم الدين , مدرسه ع الثبات والصمود والقوه النفسيه , مدرسه ع الدار الاخره والمعاني الجباره ف الجنه والنار مدرسه ف فهم المعاصي وسلسله الانهيار وسلسله الصعود مدرسه ف فهم الشريعه الاسلاميه وشمولييه الدين عظمه الاخلاق وفهم الخطاب العام وازاي نخاطب الناس خطاب رهيب

عشان كده سوره المطففين هي السوره الاولى لاهل المدينه زي سوره اقرا المدرسه الاولى للمهاجرين **(من الذين امنوا يضحكون )** من كل حاجه بقا من شكلهم من كلامهم من دعوتهم من طريقه اكلهم من لبسهم من عبادتهم من فقرهم

المفسرين قالوا الكلام ده كان بيحصل امتي ؟ المفسرين قالوا لما كان المؤمنين ييمروا ع الكفار وفيه ناس قالوا لما الكفار ييمروا ع المؤمنين **(إذا مروا بهم يتغامزون )** يعني سواء دول مروا او دول مروا هما ماسكيننا لبانه وفى الاخر **(إذا انقلبوا الي اهلهم انقلبوا فكهين )** فاكهين من ايه من الي عملوه فيهم بقا من السخريه والتريقه والمقابل الي عملوها فيهم يبقي القضيه ان فيه مشاهد مش مذكوره يعني فاكهين من ايه ؟ يضحكون من ايه ؟ الايه مقالتش تعالوا نتخليها ياجماعه بيضحكوا من ايه ؟ لما يشوفوا زهدهم وعبادتهم ولبسهم وسنه النبي عليه الصلاه والسلام **(وَإِذَا رَأَوْهُمْ قَالُوا إِنَّ هَؤُلَاءِ لَضَالُونَ )** أحد المفسرين بيقول اذا رثوا المسلمين يؤثرون الكمالات الحقيقه ع الحسيه يعني لما يشوفوكي زاهده ولا بسه نقاب ايه دي ايه الي عملاه دي الناس دي مجانيين ولا ايه ؟ يعني بيضحكوا لما يشوفوا عبادتنا بيتغامزوا لما يشوفوا دعوتنا وجولاتنا

فاكرين فاكهين لما بيكلموا اهلهم ع الي عملوه ف المؤمنين سبحان الله العظيم بيتريقوا ع اي مشهد فقر للملتزم وبيتريقوا ان الملتزمه مش عارفه الاتيكيت بتاعهم ف حاجه يتريقوا ع طريقه اكلنا ف الافلام بتاعتهم لما يشوفوا عبادتنا وزهدنا وعباده الملتزمين وزهدهم يتريقوا عليهم او عي تنهزي لو ضحكوا ع عبادتك وعلني عبايتك ونقابك

**(وإذا مروا بهم يتغامزون )** لو اتغامزوا عشان شغلك ف الدعوه ف الجامعه او شغلك ف اي مكان لو اتغامزوا واحنا بنوزع ورق ف الشارع دعوي متتاثيريش **( ومأرسلوا عليهم حافظين )** يعني هما مالهم ومالكوا ماتسيبونا نشغل فى الدعوه الي الله هما مش موكلين باعمال الملتزمين هو انتوا ربنا بعتمكم ..ومأرسلوا عليهم علي دي كان فيه استعلاء **(فاليوم الذين امنوا من الكفار يضحكون )** المعني الجميل بقا الفاء دي فاء خطيره دي مش فاء السببيه دي فاء الي قبلها مترتب ع الي بعدها فاء النعيم الي هما فيه بسبب صبرهم ع السخريه  
كان من اهم الاعمال الي لازم تحتسبها ع الله وصيامك وصلاتك انك انت ثابتة ع الالتزام رغم سخريه المجتمع منك الله اكبر

**(فاليوم الذين امنوا من الكفار يضحكون ..علي الارائك ينظرون )** علي الارائك قاعدين ف الجنه كوشه الفرح وع عروش الملك سبحان الله العظيم بس ينظرون الاولى كانت لوجه الله ينظرون دي لعذاب الظالمين  
كأن نعيم اهل الجنه نوعين ,, نعيم بلذه النعيم بتاعهم ونعيم انهم يشوفوا عذاب الي عذبوهم فى الدنيا **(هل ثوب الكفار ماكانوا يفعلون )** يعني خذوا ثوابهم ولالا سبحان الله العظيم استعاره تهكميه الثواب بيحي مع الطاعه لا جي مع الشر بقا استعاره تهكميه خذوا جزائهم ولالا

كان ربنا بيقولهم بصوا كده خذوا جزائهم ولا مخدوش جزائهم  
وفيه معني ثاني ع الارائك ينظرون يعني قاعدين بيبصوا بقا وبيتنعموا وتتقبل القاعده كده وربنا بيختم السوره يقول هل ثوب الكفار ماكانوا يفعلون خذوا جزائهم ولا مخدوش جزائهم

ربنا يبارك فيكم وربنا يحفظكم يارب